



pa Aruba



INSTALA AIREACON-
DIONADO NA BO
cas AWORI
Tel. 2170



TRISTE ACCIDENTE DI UN STRAALJAGER BULGARO

BARI, 22 jan. — Den vecindario di e ciudad italiano Bari antayera un straaljager bulgaro a cai, asina polis italiano ta participa. E piloto ta gravemente herida den un hospital. Polis tabata haci warda severo na e restunan di e avion, cu segun polis tabatin aparatura fotografico y ametralladonan a bordo. Tabatin solamente un persona a bordo di e avion.

Un agencia italiano di prensa a participa cu ta Mig 17 di Bulgaria y cu number di e piloto ta Mjiloch Pogodoros. E aparato tabata bula masha abao y cu su punta di ala el a mishu cu un palu grandi. Bari ta situa mas o menos 640 kilometer for di e frontera di Sur Slavie.

Observacion di ministerio di defensa

Segun un portavoz di e ministerio italiano di defensa nan a observa e aparato riba pantallanan di radar prome cu el a cai mas o menos diecinueve kilometer for di e base di NAVO Gioia Delle Colle.

Si ta trata aki di un caso di espionaje, asina e portavoz a bisa, anto piloto lo mester presenta dilanti di e corte. E ta considera posible cu ta un protesta cerca Bulgaria. Como avion tabatin suficiente combustible a bordo nan ta bisa cu probablemente lo no ta pa causa di esey e lo mester a baha.

E camina nobo di trafico rapido aqun den territorio na frontera di Estados Unidos y Canada a bini cla pareu cu e trahamentu di e central grandi energia nobo den e territorio aqun. Paralel cu e linea ferroviaria cu ta den e territorio aqun bo ta hanja tambe e camina di trafico rapido, cu ademas ta forma un facilidad interesante nobo pa e miles di turistanan cu anualmente ta bishita e sitio aqun.

Mision diplomatico na Roma

Un portavoz di e mision diplomatico na Roma a participa cu e avion cual a cai ayera na Bari a perde su ruta door di mal tempo. E avion no tabatin mag di bandona territorio aereo di Bulgaria. E vuelo riba territorio italiano tabata un equivocacion. E piloto di e straaljager bulgaro, cu a cai banda di e base aerea di NAVO na Bari a declara segun e agencia italiano di prensa lo siguiente: "Mi a scoge libertad". E mision diplomatico na Roma a participa cu el a sali for di su ruta pa via di mal tempo. E piloto ta cu un brasa kibra, heridanan na su cabes y un shock den hospital.

Segun autoridadnan italiano e declaracion di e piloto ta contra di e hecho cu su avion, cu tabatin a bordo equipaje fotografico, a pasa e prome aeropuerto riba su ruta y despues a cai na parti sur di die. E autoridadnan a declara tambe cu pilotonan di

ARESTACIONAN NA LIBANON

BEIROET, 22 jan. — Trupanen di seguridad di Libanon, cu en conexion cu e recien golpe di estado cu a fracasata buscando sospechadonan, den ultimo 24 oranan a aresta 146 persona. Asina nan ta participa den un declaracion oficial na Beiroet. Entre e personanan aresta tin 60 esranhero. Tambe nan a pone beslag riba algun arma, amunicion y documentonan.

DEMOSTRACIONAN NA TEHERAN

TEHERAN, 22 jan. — Estudiante nan di Persia awe a demostra na Teheran na favor di ex-premier Mossadek, loke a trece brigamentunan y perdida tantu di banda di polis cu como di banda di e studentenan. Polis a plama e studentenan, cu tabata k'ier pa e gobierno di Amini baha, cu klop y gas lacrimogeno y despues a saca tur heade for di riba tereno di e universidad. E demonstracionnan a yobe polis cu piedra. Un grupo di estudiante a traha pa cu palu nan traha un caminda door di e cordon.

Nan a detete hopi persona. Segun ultimo noticianan nan a detete mas di 300 persona cu a tuma parti na e demostracion.

CONSEJO DI MINISTRONAN DI SURNAM I E.E.G.

PARAMARIBO, 22 jan. — E departamento di minister president di Surinam a participa cu e consejo di ministranan den reunion di ayera a aproba un proyecto di ley di retaco, cu lo haci asociacion di Surinam cu e comunidad economico Europeo realidad.

Nan ta spera cu awor pronto gobierno di reino lo entrega e proyecto na Staten general di Hulanda y na Staten di Surinam na Paramaribo.

Staten di Surinam e ora ey lo tin oportunidad suficiente pa nan deliberacion en extenso riba asociacion di Surinam cu EEG y despues di esaki nan por duna nan.



E dos dominicanonan cu nos ta mira aqun ta Francisco Alberto Henriquez Vazquez (izquierdo) y Maximo Antonio Lopez Molina (derecho). E dos tiponan aqun a baha na Hatu sin e documentonan cu te ser exige. A manda nan Trinidad, pero aya autoridadnan a nenga di larga nan drenta. Awor nan ta buscando un manera pa soluciona e problema aqun. Nan ta pretende di no tin nada di haber cu comunismo.

E homber fuerte di Kongo ta awor destrona y acusa

LEOPOLDSTAD, 22 jan. — E vice-premier di Kongo cu nan a baha for di su puesto a reqresa aiera na aeropuerto di Leopoldstad. No tabatin ningun persona pa ricibie. Si tabatin un representante di dr Sure Linner, e lider suceso di e operacionnan civil di Nacionnan Uni na Kongo.

Ruman muhe di e vice-premier destitui cu a duné un brasa vorando. Ademas tabatin binti miembro di e partido di Gizenga. E partido pa solidaridad Africano, kendenan a ricibi nan lider cu gritonan manera "nada di imperialismo", biba Gizenga y unidat Africano".

Polisnan di Nacionnan Uni a straha periodistanan di entrevista Gizenga. Nan a hibé rapidamente cu un auto di Nacionnan Uni na e hotel "Royal". E auto tabata acompaña pa tres jeep y un truck di Nacionnan Uni den cual tabatin binti solda Nigeriano di Nacionnan Uni.

Nan a anuncia cu nan lo acusa Gizenga di a sabotea e autoridad di e gobierno central di Kongo. Nan ta consideré responsable na rebeldia di e marechausseenan na Stanlevstad loke a causa bringamenon cu soldanan di Nacionnan Uni cu e consecuencia cu nan ambos lado tabatin morto.

Situacion na Noord Katanga

Un portavoz di Nacionnan Uni na Elisabethstad a participa cu trupanan di Nacionnan Uni na Albertstad (N-Katanga) a bloquee e comunicacionnan entre e diferente gruponan di e exercito Kongolese. Anteriormente nan a anuncia cu algun militar Kongolese na Albertstad a bringa cu otro. Segun e portavoz awor tin soldanan di India pa Nacionnan Uni ta patrulla

GANADORNAN DI STATUUTSPEL A SALI ARUBA

ORANJESTAD, 22 jan. — Ultimamente e cinco ganadornan Arubano di Statuutspel 1961, acompaña pa sr. N.A. Piña, Hefe di Servicio Informativo di Aruba a sali pa Bonaire via Corsow, paseo aki cu tabata un oferta di Servicio Informativo di Gobierno ta dura dos dia. Dia viernes nan cinco a yega Aruba. Diahuebs, prome di regresa Aruba e combito aki a bai haci un bishita di cortesía cerca sr. Jonckheer, premier. Nan a sinta bebe koffie huntu ciné, cu tambe tabata ofreci pa nobi. Pa banda di 3 or nan a sali pa Bonaire, na unda tabatin primeramente un encuentro cu Gezaghebber riba programa, prome di un paseo door di Kralendijk. Su manee nan a haci un paseo rond isla pa mira tur e curiosidadnan. Luego nan a bai landa. Durante nan estadia na Bonaire e grupo aki a loquee den Flamingo Beach Club.

deso cayanan y e situacion ta tranquil. Di fuertenan generalmente bon informacion na Elisabethstad nan ta informa cu dos compania di e exercito Kongolese a bandona Kongo d'abierne pa ataca un centro di mision y un pueblo, trinta kilome for di Kongo. Tambe nan a anuncia atakanan di e exercito Kongolese na Kabongo, medio caminda entre Kongo y Kamina y banda di Mitwaha.

Sucesonan na Kongo

Soldanan di e exercito nacional di Kongo a mata den Noord-Katanga muhenan, hombernan y mucha chiki y nan a quina diferente pueblo te na suela. Asina un comunicado cu nan a publica ayera nochi na Katanga ta bisa. Trupanen Katangues a evita cu soldanan a penetra den e territorio reud di Kilwa na e orilla di e lago Moero. Duran'e nan marcha na e orilla di e riu e soldanan di exercito nacional a quima tur pueblo nan te na suela, asina e comunicado ta bisa. Un dokter di un centro di mision catolico na lago Moero a participa despues di su vegada na Elisabethstad cu e no a ripara nada di trupanan Kongoles na e lago of den vecindario.

SENIORES TRUPIALEN A REUNI

ORANJESTAD, 22 jan. — Tabata falta poco miembro durante encuentro di Seniores Trupialen na e reunion cu a ser teni diarazon anochi un. Tabatin un punto riba agenda: seccionamento di un propio directiva di grupo-seniores. Durante su palabranan introduccion frere Alexius a muestra cu e eleccion aki ta di masha tanto interes como cu e Hoofdbesuur ta di opinion cu seniores a yega na un edad, cu nan mes mester por ta na alcañe di tuma un gran parti di trabao dje Hoofdbestuur over. E frere-lider a apoya su muestionan anto di pensa nan bon promé ta riba ken nan ta bai tira nan voto. Despues di esaki cu gran mayoria di voto Rudolf Brete a keda eligi como prome president di seniores.

E cuater otro miembronan di directiva cu pronto despues dje reunion a bai par i diferente puesto na bini na siguiente resultado: Alcides Quilotte, como vice-president; Jossy Tromp, secretario, tesorerero; Patrick Paris i comisario Ruben Richardson. Den un corto palabra president Brete a gradici pa e confianza deposita den su persona i tambe den persona di e otro cuater otro miembronan esochi i el a priminti di haci su posible pa e confianza deposita den su persona no keda avergonza

BEZIGE MENSEN

KIEZEN DE LANGER-SCHRIJVENDE Parker T-Ball Ballpoint

Bienere keuze! Zij gebruikt de ideale Parker T-Ball... het nieuwe type ballpoint dat tot 5 maal langer schrijft, dank zij z'n reuzenvulling. Lang nadat gewone ballpoints al leeg zijn, blijft de betrouwbare Parker T-Ball nog soepel, gelijkmatig en moeiteloos schrift leveren!

PARKER'S UNIEKE POREUZE SCHRIJFKOGEL
De inkt vloeit om de kogel heen en dringt ook door in de duizenden fijne celletjes, zodat de punt te allen tijde direct over inkt beschikt.

Parker T-Ball Ballpoint
EEN PRODUKT VAN DE PARKER PEN COMPANY
Agenten: MARCHENA MORON & CO. N.V.

DELEGACION ARUBANO INVITA PA RECEPCION DI MADURO & SONS NA CORSOW

ORANJESTAD, 22 jan. — Dia 24 venidero firma S.E.L. Maduro & Sons N.V. na Corsow ta celebra su 125 aniversario. Durante e celebracionnan firma S.E.L. Maduro & Sons (Aruba) N.V. ta worde representa pa sr. P. Wurtz, director, sr. W.L. Kramer, alg. procuratiehouder, y sr. P. A. Hernandez, hefe di departamento di petrolole di e firma Maduro & Sons na nos isla. Tambe segun nos a worde informa ta hai un representacion di directiva di Lago, y algun otro invitado mas.

SR VAN DER LAAR LO TIN PALABRA DEN SERVICIO DI HUBENTUD

ORANJESTAD. — Sr. Van der Laar lo haci uso di palabra dia 29 die luna aki durante un servicio di hubentud pa un grupo di marinier i hobenan for San Nicolas i Piedra Plat, cual servicio di hubentud lo tuma luga den centro di hubentud na Piedra Plat.

Despues dje servicio Centro lo ta abri pa un encuentro dibeido. Bus for San Nicolas ta sali 8:30 for A. de Veerschool i ta ston na caminda banda di militar Tehuis na Savaneta.

TRAFICO DI PASAHERO VIA AERODROMO A SUBI 7 PORCIENTO

ORANJESTAD, 22 jan. — Segun un publicacion di servicio di informacion y trafico di pasahero via aerodromo di prinses Beatrix na aña 1961 compara cu e arja anterior a aumenta cu 7%. Como cu e numero di aerolineas di avionnan comercial a aumenta cu 4%, kier men cu e grado di ocupacion dje avionnan aki a melhora.

E cifranan ta:	1960	1961
Atterizadonan	2907	3018
Comercial	2907	3018
Sport	377	468
Autoridad	240	108
Total	3524	3594
Pasaheronan	1960	1961
A drenta	39,325	40,294
Transito	26,714	32,754
A sali	40,572	40,728
Total	106,611	113,776

HEFE DI AVD A TENE CONFERENCIA PA SCOOL

ORANJESTAD, 22 jan. — Hefe di Servicio di Informacion Arubano durante su estadia na Bonaire a tene un conferencia pa discipulonan di scoolan di MULO i scoolan tecnico di Bonaire. Un dia despues el a tene tambe un conferencia over di literatura Antillana. Ambos causeria a ser haci posible pa ayudo di Eilandsbestuur.

CONFERENCIA PA LIGA DI MUHERNAN ARUBANO

ORANJESTAD, 22 jan. — Sr. Blok, manager dje propiedadnan i negoshi di Spritzer & Fuhrmann na Aruba lo tene un conferencia dia 6 di februari p.v. pa damas di Liga protestant di muhenan. Sr. Blok a scohe e obheto masha cerca cas mes. Reina di piedranan noble: simbolo di pureza, paz i forza. Comentario di un dje damanan den zonido di misa. Pa cada muhe diamanta tin algo fascinante..... Cuanto mas anto lo ta ora cu un experto no solamente conta nos di su aventuranan riba diamanta, pero ora cu e larga nos miré i fulé.


F A T U M—Tel.: 1845 pa tur bo aseguranon

ACCION DI E PIEDRA DI CONSTRUCCION A PRODUCI FL. 1.700

SAN NICOLAS, 22 jan. — E accion di "piedra di construccion" cual a ser teni na beneficio di e construccion dje misa di protestant nobo na Pastoor Hendrikstraat na San Nicolas, a produci manera ta publica awor e suma di f. 1700.

CORTO BISHITA DI MARINA PANAMENJO

ORANJESTAD, 22 jan. — Disabha Aruba a hanja un hishi'a corlo di e crusero Panamenjo "Almirante Bolognési i e torpederonan "Almirante Guiso" i "Almirante Villar". Mainta tempran e tres vaporonan di gerra a yega Aruba i den gaochi di diasabra na diadomingo va nan a los anker caba. Enretanto comercio di Oranjestad a haci bon neoshi tabatin diasabra atardi momentonan cu Nassaustraat tabata parca mas tanto un marinebasis cu un centro di pacusanan.



LITTLE LEAGUE TA CUMINZA CAMPEONATO NA MAART

(Di nos redactor deportivo)

Di parti di e activo secretario di Oranjestad Little League, Sr. Johnny Oduber, nos a worde informa cu e organizacion aki tin intencion di cuminza su campeonato oficial pa dia 11 di maart 1962. Pa e motibo aki, promer cu dialuna 19 di februari 1962 nombrenan completo, fecha di nacemento y adres di tur hungadornan mester worde entrega door di e managernan cerca e secretario di Oranjestad Little League. Tambe di e manager mes number completo y adres mester worde informa.

Hunto cu e lista di e hungadornan mester worde entrega ta untrickel geboortebewijs di cada hungador, esaki pa control directo di e stadnan. Pa cada hungador un suma di p. 2.00 y pa cada manager un suma di p. 2.50 mester worde paga promer cu dia 19 di februari.

Atencion special ta worde pidi di e managernan pa e stipulacion tocante limite di edadnan manera ta stipula den articulo 11 sub e di e Reglamento di 1961. bao di cual reglamento e campeonato lo worde hunga.

Reunion cu manager y coachnan

Pa diahuebs 22 di februari 8'or di anochi den Wilhelminastadion a worde convoea un reunion di directiva di Oranjestad Little League cu e manager y coachnan pa discuti e campeonato verdadero, mientras cu alavez e uniformnan di cada equipo lo worde entrega.

Den e mes reunion aki lo tin eleccion di un president nobo pa reemplaza Frere Edgar, kende dia 16 di februari lo bai for di Aruba. Candidatonan pa president mester ta entrega promer cu dia 19 di februari cerca e secretario di Oranjestad Little League. E campeonato 1962 lo worde inaugura cu su habitual ceremonia figurando atrobe un desfile di e clubnan cada uno cu su madrina como parti di e ceremonianan.

SOFTBALL NA LAGO SPORT PARK

(Di nos redactor Deportivo)

E anual torneo di softball na Lago Sport Park ta worde planea pa cuminza den curso di otro luna. Clubnan cu ta desea di participa por inscribi na Lago Sport Park of cerca miembronan di directiva di Lago Sport Park, promer su diasabra dia 27 di januari.

Ta muy probable cu e torneo lo worde hunga den combinacion cu e acostumbrado torneo interdepartamental. Si tin suficiente interes entre e equiponan femenino, amó lo worde organisa tambe un torneo femenino.

E clubnan di damas por acerca directiva di Lago Sport Park ta inscribi.

Canada dispuesto pa baha tarificanan di import

WINNIPEG, 22 jan. — Por worde spera cu Canada lo rebaha su tarificanan di import di Merca y e paisnan di EEG bai di acuerdo cu e proposicionnan di president Kennedy tocante un importante rebaho di tarificanan, asina e miester Caadiense di financiera a declara.

El a declara tambe cu abolicion di rebaho di e tarificanan mester bai as leu cu solamente pa produccion industrial. Especialmen e mester percurar un facilitacion pa exportacion di produccionan di agricultura, asina el a agrega.

TENNIS NA ARUBA JRS

(Di nos redactor Deportivo)
Durante e weekend a worde hunga cuatro partido mas di e torneo di tennis singles na Aruba Jrs. Edgar Kelkboom a obtene su triunfo number dos ora cu e a enfrenta Jose Correa. Promer set di e encuentro aki a caba den favor di Correa 7 pa 5. Cu e mes anotacion Kelkboom ta gana e segundo set y empatia e wegá.

E tercer set ta duna Kelkboom un ventaha di 4 pa 1 na momento cu Correa mester a bandona e wegá. Iste resulta den un triunfo pa Kelkboom. Pa Correa esaki ta su segunda derrota.

C. Bruyn tambe a obtene su segundo triunfo ganando di De Graaf den dos rapido set cu a termina 6-1 y 6-2.

Otro match cu a bai tres set tabata esun entre Efraim Tromp y Albert Henriquez.

Despues di un bon comienzo, cu ventaha di 5-0, den e promer set, Henriquez a perde e dos siguiente setnan pa asina sufrí su promer derrota di e torneo.

E promer set a worde gana cu anotacion di 6 pa 3 door di Henriquez. Den e segundo e wegá ta cambia completamente y ta Tromp ta cuminza impone su wegá. E ta tabla e match ganando set number dos cu score di 6-2. E set decisivo ta worde gana cu mas facilidad ainda door di Tromp cu score di 6 pa 1. Tromp

TUR COS TA TRANQUILO TROBE AWOR NA STO. DOMINGO

SANTO DOMINGO, 22 jan. — E conseho di estado na Republica Dominicana ayera noch a nombra un minister nobo pa ehercito, como sucesor di general Echevarria kende nan a arresta diahuebs anochi.

E minister nobo ta coronel Victor Elby Vinas Roman di forsanan aerea. Tranquilidad ta regresando den e pais y bida diario ta tumando su curso normal. E militarnan cu tabata patrulla ultimo anochinan den cayanan di e capital Dominicana a retiranan mes.

Ayera noch nan a aplaudi e miembronan di e conseho nacional ora nan tabata na caminda pa e palacio nacional.

Di fuentenan generalmente bon informa ta anuncia cu ex-president Ba-

E deliberacion entre Kennedy y Oe Thant

NEW YORK, 22 jan. — Ayera president Kennedy tabatin na New York un encuentro cu e secretario general di Nacionnan Uni, Oe Thant. E entrevista a dura dos ora. E representante Mericano na Nacionnan Uni, Adlai Stevenson, tabata presente na e conversacion. Nan ta calcula cu entre otro Kennedy y Oe Thant a papia riba e kestion di West Nieuw-Guinea.

YABI pa bo exito!

Pa un sabroso sandwich di HAM, ham cu webo, keshi, af webo, pasa na **OASIS** Skina Oranjestr./Steenweg tel. 2874

Avisa den ARUBAANSE COURANT y compara e resultado!

PETRONA & CROES

Nan sonjo a bira realidad..... pasobra nan a laga proyecta nan cas y calcula gastonan na

HENRIQUEZ AGENCIES
WHOLE-SALE IMPORT EXPORT
COMMISSION AGENTS
Havenstraat nr. 18 - Tel. 2339

GAS ta ventahoso **GAS** ta practico.
Haci bo pedido di gas na tempo na **ARUBA GAS SUPPLY** Tel 1198

CEMRO N.V.
Wayacka - Tel. 2444
Pa tur sorto di blokk usa **CEMENT DI PRIMERA CALIDAD**

HOLMAN-VAN EERDEN
Aannemers-emballeurs
TEL. 1595-1199
Voor al Uw EMBALLAGE-WERK Goedkoper en BETER!

UN BRUIDEGOM ORGULLOSO... UN BRUID PRECIOSO...



Semper e bruidegom lo keda orgulloso si su bruid ta un encanto den su bistr di matrimonio. Pesey cumpra bo bistr serca nos.

Ademas pa BRUIDSMEISJES tambe surtido completo.
La Linda

Dr. Adolfo Martinez Martinez
Dentista-Crujano
Cu equipo dental di alto velocidad cu ta disminuie e dolor ora di drechamentu na minimo.
Puente removible den VITALLIUM.
Hora di oficina: 8 - 2 a.m.
2 - 6.30 p.m.
Tel. 5701 - Zeppenfeldstr. 26 San Nicolas.

Pa instalacion di electricidad **Joaquin M. Kelkboom**
HENRIKSTRAAT No. 1
TEL. 2228

REDDY KILOWATT

UN AMIGO cu nunca ta abandonabo
UN AMIGO cu ta haci bo vida agradable
UN AMIGO cu tur dia y tur caminda
TA DUNABO UN SORPRESA

CISCO KID

1. „Jama un dokter mi ta muriendo!“ 2. „Ay!“ „Mira ta un simple rascá!“ 3. „Con el a pasa?“ „Mi a kere cu Barto tabata morto. Pero cu a big bij y el a tira mi.“




JUAN EL INTREPIDO

1. „Mecae abo ta e piloto di e helicopter aki?“ „Si, cu kiko mi por juda bo?“ 2. „E senjora cu a duna mi esaki a bisa cu ta abo so mi mester duna pa lesele.“ 3. „Sr. Hazard si bo kier mira Doctora Taggart biba, cumpli correctamente y cu exactitud e pedido aki. Pa nos anochi bo mester jin bo helicopter carga cu e siguiente y spera instruccion pa radio.“



DICK TRACY

1. „Junior a wordi pidi pa prepara algun sketch di e ruinan di Etah pa e revista „Eyeball!“ 2. „Si algun bista di e cas — pader y patio — tambe di e terrenonan.“ 3. „Esaki lo ta divertido pa mi senior Jordan, y mi por usa e pool y e terreno pa tira y.“ 4. „Si e ta asina importante pakiko bo no ta bai para cu ne abuela?“





HACI SAN NICOLAS BO CENTRO DI COMPRAS!



A CABA DI YEGA
T E L A NOBO, masha precioso.
Tambe: PETTI PIQUE, BEAU SIEEN, FASHION PRINTS, TOBRALCO y MOY GASHEL LINEN.
Ademas un surtido extenso di BRASSIERE y CORSET M A I D E N F O R M.
BISTIR PA MUCHA DI SCHOOL, bunta y practico.
Pa damas, TAS, SOMBRE, SAPATU. Pa caballeros CAMISA, MEA, PANIA DI ABAU, etc., etc.
Pa calidad y prijs atractivo bishita
LIBERTY STORE
MAINSTREET (banda di Aruba Bank) SAN NICOLAS

TRAHA PAM TA FACIL, PERO TRAHA PAM NUTRITIVO Y CU BON SMAAK ESEY TA OTRO!!
Tambe nos ta experto den tur sorto di Bolo, Berlinerhollen, krentebollen, cinamonrolls, y nos especialidad ta VIENE-ROLLS „PAPA'S BREAD“.
Corda cu 20 papel di Pam 'e slice, bo ta hanja un bunta GLAS DI PROPAGANDA gratis.
PAPA'S CAKE SHOP
TORENSTRAAT 6 — TEL. 5234

for QUALITY and VALUE
We've so many things you need so often... all top quality, all priced for savings! Come in.
make this store your shopping headquarters
● LADIES and GIRLS DRESSES
● Ladies TWEKA bathing suits
● Beautiful HALF-SLIPS, PANTIES and BRAS of all kinds
● Italian leather and straw SANDALS,
● Mens SPORT SHIRTS in modern designs
● VAN HEUSEN and MANHATTAN DRESS SHIRTS
For the latest styles in MENS, LADIES and CHILDRENS CLOTHES visit
PALAIS ORIENTAL
B. v.d. V. Zeppenveldstraat 85 - San Nicolas - TEL. 5078

Pakiko bai Playa si bo por hanja tur cos na bo tiendanan di confianza na San Nicolas??
FANNY'S SHOPS
Nos a caba di ricibi un coleccion completo di BISTIR, SLACKS, BLUSA etc. pa damas y mucha.
● Tambe LINGERIE di mihor calidad.
Ademas nos tin un surtido completo di cosmetico OLD SPICE pa caballeros y di HELENA RUBINSTEIN pa damas.
DIFERENTE OTRO ARTICULO MAS DI PRIMERA CALIDAD y semper na prijsnan masha atractiva.
Bishita FANNY'S SHOPS
Banda di porta di Lago — y den Mainstreet na San Nicolas.

OSLOSHI OSCO - PARAT TA MEHOR, mas elegante y mas duradero.
Surtido completo pa damas y caballeros.
● Tambe semper na existencia un coleccion precioso di JOYAS, CADENA y MEDALION DI ORO. WEKKER y varios otro articulo pa regalo den tur prijs.
Nos ta bon equipa pa drecha tur bo joyas y cualkier oloshi, cu RAPIDEZ y GARANTIA.
Pa calidad - servicio y prijs atractivo, bishita
THE INDIAN JEWEL STORE
B. Ramoediet - San Nicolas

Rendezvous di amanan di cas
ACME STORE
J. (Jae) TRAPPENBERG
MACUTO den diferente tamanjo. for di f. 3.— p'ariba
Un precioso surtido di **LAMPE KAP** den varios color, estilo y tamanjo for di f. 2.—
OVENWARE
(pyrex, fire-king, bakeware) original y di calidad!
TUR COS PA TENE BO JARDIN NECHI.
MEDICINE-CABINET cu porta di spiel, cu rekki na banda y den varios modelo.
LAMPEKAP moderno den diferente modelo atractivo y diferente color.
Y mill-un articulo pa uso di cas. Cabuya di plastic pa habri panja — bombillo — thermo — koppl y scotter — tayo — weya di aluminium y weya di heru — spones etc. etc. Tambe semper na existencia un surtido completo di WAX, POLISH pa muebles, pa plata y coper.
ACME STORE
Tel. 5381 - 5384 SAN NICOLAS.

*Bo kier aumenta bo venta?
Anto anuncia den e pagina aki,
dedica specialmente na
comercio di
San Nicolas*

MANERA SEMPER
DODGE 1962
ta mas ECONOMICO mas RESISTENTE y mas yen di ACCION
V I A N A T I N U N L I N I A C O M P L E T O D I D O D G E P I C K U P d i 1/2 ton pa'riba, TRUCK y DUMP-TRUCK pa cualkier clase di trabau, heavy of special duty.
DODGE ta mehor, DODGE ta duna servicio y D O D G E su prijs ta RAZONABLE.
— Si bo mestendi un pick-up — truck — of dump-truck, bishita
Viana Auto Supply Co. Inc.
TEL. 5320 - 5120 5121

*Cu palabra sin hecho,
ta dificil pa haci progreso!*

PIPER DI FLYING CLUB A HACI ATERIZAJE DI EMERGENCIA
SAN NICOLAS. — Un Piper Tri-pacer di Aruba Flying Club pilotca pa J.C. diasabra atardi pa mas o menos cinco a haci un aterrizaje di

Awor, bo por laga drecha tur bo papelnan na San Nicolas mes.
Servicio eficiente, cordial y razonabel. Haci un prueba y convence bo mes.
● declaracion di papelnan di douana,
● traduccion di carta y documento
● Pa traha cualkier request.
● Yena formulario di belasting.
Pa mas informacion acudi of yana:
GENERAL SERVICE BUREAU
Van Slobeestraat 5 - Tel. 5505 San Nicolas

Hiba bo mercancia den BISTA di bo clientenan, pa medio di
Arubaanse Courant
e unico diario matutino di henter ANTILLAS NEERLANDES y unco diario na ARUBA !!

PA CUALKIER INFORMACION TOCANTE PROPAGANDA DEN E DIARIO AKI
YAMA TEL 1116 OF 2116
For di 8'or a.m. te 5'or p.m.

NAN A YEGA! televisor ERRES
● Distincion di estilo combina cu simplicidad elegante; berdaderamente e aristocrat entre Televisornan.
Awor na exhibicion diferente modelo di MESA - PORTATIL y CONSOLE. A caba di yega **RADIO-CONSOLE ERRES** un preciosidad y e prijs..... increible favorable.
Tambe bin welta e modelo 1962 di **WEST BEND** outboard motor Mas durable, mas economico, mas simpel den disenjo y mas potente.
Cu razon mas y mas hende ta compra **WEST BEND** outboard motor
MARCONI PHONE RADIO SALES & SERVICE
SAN NICOLAS — TEL: 5325

RIP KIRBY
1. „Bo ta kere cu e rivalidad ta e unica razon di e interes di rumannan Amour?“
„Sigur y mi kier caba cu e aki prome cu cos bira malu“.
2. „Mi ta tin un pasco glorioso cu Rip door di e pars...“
„Verdad?“
3. „Stracjo nos a landa oranan largu y ni sikiera el a menta bo nonber“.

emergencia na Venezuela den vecindario di Punto Fijo. E piloto kenke tabata solitario den e avion, no a hanja ningun herida, tampoco e avion a hanja danjo. E piloto a declara cu pa un of otro defecto benzine no tabata pasa. Na Venezuela C. a hanja tur clase di cooperacion.
Despues di a repara e defecto un piloto di cuerpo aereo militar a hula

e Piper pa un air strip na Punto Fijo, na unda C. a ser ricibi masha cordial. Diadomingo e Cessna 182 a sali pa Venezuela cu sr. Himes, sr. Garig y sr. Redden, pa nan trece e Piper back pa nos isla. Ta ser investiga kico a causa cu C. a sali tantu foi su rumbo, y causa dje defecto den linea di benzine, cu a obligue pa haci un aterrizaje foroso na Venezuela.

OFICINA DI ADMINSTRACION DI SERVICIO GENERAL
SAN NICOLAS. — Hopi comerciante y varios hende pa asuntunan personal ta aplaudi e idea di General Service Bureau, cu recientemente a establece su oficina den Van Slobeestraat na San Nicolas.

Gerente dje oficina aki, tin varios plan pa futuro venidero, aunque nan ta hopi leuw avanza, e ta prefera di no pone nan na atencion publico mientras cu tur cos no ta completamente dedica. General Service Bureau ta stableci for di medio di october anja pasa, y e cantidad di servicio cu e por a duna caba, ta un sinjal cu sigur e ta cubri den un gran necesidad den e ciudad Petrolero. Nos ta spera di bolbe cu mas detalles asina cu esakinan ta den nos poder.

CLIENTE DI ESSO POR GANA TIRE, BATERIA DI ATLAS
SAN NICOLAS. — Tur sels Esso Servicenter na e isla ta conduciendo concursonan mensual den cual compra-dor di tire y bateria Atlas tin un chens pa gana un articulo igual cu nan a compra originalmente. E concursonan, teni na cada stacion, a cuminsa Dec. 1 y di promer sorteo a tuma lugar durante e luna aki.
Clientenan cu compra tire y bateria Atlas durante januari lo ta eligible pa gana den e sorteo di e promer parti di otro luna. E concursonan lo corre durante varios luna.
Reclama di concurso ta simple. Pa cada compra di un tire of bateria

HACI SAN NICOLAS BO CENTRO DI COMPRAS

ERCE QUE LA RIVALIDAD ES LA UNICA RAZON DEL INTERES DE LAS HERMANAS AMOUR?

TUVE UN PASCO GLORIOSO CON RIP POR EL PARGUE...

CURIOSO... NADAMOS POR HORAS Y NI SIGUIE RA TE MENCIONO.

Atlas, e comprador ta ricibi un carchi perfora. Ariba cada seccion ta scribi number, number di auto, direccion of number di telefon di e cliente, y tambe un descripcion detaya di e producto cu el a compra. Si el gana e concursu mensual na e Esso Servicenter, el ta hanja un otro tire of bateria Atlas mescos cu el a compra como premio. Si el compra cuatro tire, por ejemplo, el ta recibí cuatro carchi y tin cuatro chens pa gana un tire mescos. Ganadornan ta gana un tire mescos. Ganadornan ta wordo notifica pa telefon door di cada gerente di stacion mes ora despues di e sorteonan mensual.

